





第一一五九册

# 四庫全書

● 上海古籍出版社

# 本冊目次

|   |   |   |   |
|---|---|---|---|
| 石 | 浪 | 芸 | 應 |
| 湖 |   | 庵 | 齋 |
| 詩 | 語 | 類 | 雜 |
| 集 | 集 | 藁 | 著 |

|       |       |       |       |
|-------|-------|-------|-------|
| 宋     | 宋     | 宋     | 宋     |
| 范成大撰  | 薛季宣撰  | 李洪撰   | 趙善括撰  |
| ..... | ..... | ..... | ..... |
| 五九三   | 一四三   | 六九    | 一     |

欽定四庫全書

集部  
應齋雜著卷二

詳校官庶吉士臣何道沖

主事臣呂雲棟覆勘

謄錄監生臣董誠

謄錄監生臣王人作

欽定四庫全書

集部四

提要

應齋雜著六卷

別集類三 宋

臣等謹案應齋雜著六卷宋趙善括撰善括  
宋史無傳惟宗室世系表載有此名為太宗  
第四子商王元份六代孫考集中有趙運幹  
墓誌銘稱同姓兄可大藝祖七世孫與宗室  
表世次相合蓋即其人然表亦不詳其爵里

欽定四庫全書

應齋雜著  
提要

今案集中迂黃樞密知隆興府啟有一屢為  
祗應脩桑梓之敬語則籍隸隆興祭漢陽趙  
守文有仙源同盟雁塔俱第語則嘗登進士  
得常熟宰謝政府啟有奮身科第千載之遇  
語則釋褐為常熟令賀趙樞密啟有贊員別  
駕叨祿京畿語又有長沙倅署磬沼詩則由  
縣令倅郡與湖北張安撫啟有叨把一麾深  
慚共理語又有鄂州上殿三劄子則由郡倅

知鄂州謝宰執啟有方懷溝壑之虞遽增慕

府之數語謝湖南帥啟有四十年低徊州縣

三萬里奔走塵埃語則任滿閒居復充幕職

又有次計幕諸友韻詩謝岳漕啟則終于岳

州漕佐也是集宋志不載其原本卷帙不可

考今以永樂大典所載哀為六卷宋人奏議

多浮文妨要動至萬言往往晦蝕其本意甚

括所上諸劄率簡潔切當得論事之要如陳

欽定四庫全書

奏議類稿

紛更之弊糾賞罰之失皆深中時弊而永樂

中修歷代名臣奏議乃不載其一字未明何

故詩詞多與洪邁章甫唱和而與辛棄疾酬

贈尤多其詞氣駿邁亦復相似觀其金陵有

感詩有謝安王導亦可罪至今遂使南北分

句其不滿於湖山歌舞文恬武嬉意趣蓋與

棄疾等固宜其相契也乾隆四十六年二月

恭校上

總纂官臣紀昀陸錫熊臣孫士毅

總校官臣陸費輝

欽定四庫全書

奏議類稿

三

欽定四庫全書

應齋雜著卷一

宋 趙善括 撰

奏議

建明奏議

臣聞古之人臣建功立業者皆有一定之謀其始為之甚難故其終成之常易如漢之韓信蜀之諸葛亮皆以功業許其君而親以身成之言出於口終其身而不變者其謀一定也近世則不然輕言而遽改忽行而驟廢

欽定四庫全書

應齋雜著  
卷一

二

始慮不審終之汙漫而無所就不可不察也仰惟陛下焦勞憂勤十七年于茲然而大功大業尚闕聖慮以臣策之意者今之人臣所以事君者未至于古耶請畧舉數端言之如兩淮安撫舊為兩司往者以議臣之策為一司矣繼又分而為二荆鄂都統舊為兩軍往者以議臣之策為一軍矣繼又分而為二如發運司則驟興而驟廢如宣撫司則再置而再罷如市舶司則既併之復置之如鑄錢司則既分之復合之如福建聽民鬻鹽久

矣忽奪而歸之于官繼又委之于民如廣南就邕州市馬久矣忽改而置之于南詔繼又歸之于邕凡此皆所謂輕言而遽改忽行而驟廢者也陛下以虛受人聞善則從如漢高皇之刻印銷印以明聖人之無我可謂至矣然議臣之策紛紛易變臣竊謂古之人臣以功業許其君者殆不如此臣愚欲望聖慈特降睿旨應自今人臣有所建明其事大體重者並令兩省雜議某以為可某以為否中書籍記而上之陛下徐觀其事之成敗取其議之可否以定其言之是非而大明黜陟之法用是以察天下之真材助成聖治實建功立業之本也取進止

欽定四庫全書

應齋雜著  
卷一

二

嚴賞罰奏議

臣聞賞當功則臣下勸罰當罪則姦邪沮賞罰公於上事功立於下此必然之理也陛下即位以來勤綜核之政行必信之法十有六年海內乂安百度時叙聖德休盛非臣愚所能勝識然求之事功終未見卓然有大

慰天下之望其故何哉豈非勸沮之道或有未盡耶臣愚不揆昧死妄論其故陛下試少垂聽焉自昔士大夫出而為世用上之人有以激厲其委靡之氣而崇獎其功名之心者捨賞罰莫行焉然賞罰之行必有次第傳曰罰不阿近舉不遺遠此明君馭世之至權也是故賞先行於下則在上者咸知勸罰先用於近則居遠者無不服比年以來臣所聞見竊有疑焉何者一命而仕州縣以知効官惟其位卑其勢遠故建議立言也大吏輒以為強聒拾掇細微文致以罪者有之矣興利除害也豪民以不利於已增辭飾非訟陷以罪者有之矣大吏按於上豪民訟於下追召囚錮靡辱不至箠楚之下何求不得往往先從廢罷繼坐賊私終身不得齒於仕版其間有材術素優績効昭著上乏提撕旁無介紹雖有尺寸之賞而文吏吹毛求疵陸沉下僚賞志以沒者蓋不可勝數也若夫官崇勢近身貴名顯外持麾節內列班榮雖縱欲以害民怙恃而貪利罪惡昭著無從上達

偶然風聞名挂白簡亦不過鑄一秩罷一任而已曾不踰年旋得美官其間又有巧為諛說公肆誕謾聽其言如布錦擣繡責其効如繁風捕影動以虛文寔被醜賞陛下賞用刑賞章別公罪豈容謬戾如此臣敢妄論其萬一者馮衍有言富貴易為善貧賤難為工官尊位重則營助者衆法治之誠難官小力輕人得而擠之矣由是觀之賞或醜於貴近罰或偏於賤遠勸沮疑有未盡非職此之故歟臣愚欲望聖慈特降睿旨宣諭執政大臣繼自今官有崇卑賞無厚薄勢有遠近刑無重輕加惠孤寒微賤之質勿庇富貴權豪之罪如是行之而士氣不振事功不著未之有也狂斐之言冒黷天威罪當萬死惟陛下裁察

宗室補試墮務奏議

臣仰惟陛下即位以來親睦宗族備盡教養作成之道遂有名冠多士學中詞科持節把麾政事舉者不一而足雖祖宗之時亦所未有可謂盛矣然宗室有官從學

者蓋鮮武臣苟祿效職者無間可不參稽舊法而為之制乎書傳所載國子謂王之子與夫公卿大夫之子也今國子監止試公卿之子而宗子獨不得預焉宗室武臣近世咸知自愛遵守禮法出官之後例得添差不得干預職事雖有材術無路可顯臣愚欲望聖慈特降睿旨應宗室仕於朝為釐務官者其子弟并曾得解人並許赴國子監試如有升補依宗學舍法施行宗室武臣添差州縣差遣不釐務之人許令知州監司精加選擇

欽定四庫全書

卷一 應需雜著

五

如委有材力可備任使保明備申朝廷許令釐務如有功過依庶官罪賞施行庶幾文武全材卓然表著各殫智力共赴事功非特宗子之幸抑所以上合祖宗立法之本意

差役奏議

臣竊見比年士大夫多好輕議舊法隨即變更往往不能無弊試以差役一事言之限田之法出於祖宗之舊其制久矣比年有減半之法蓋所以抑強扶弱也又復

為品官身後再減半之法其弊致使士大夫之後不得義居其利害曲折有不可不詳辨而熟究者謂如一品官限田原格一百頃今減半為五十頃子孫又減半為二十五頃其有子孫多者通不得過二十五頃之數其法非不善也殊不知一品官之後豈無蔭補三五人京官朝官仕宦者乎以七品官一員計之合破二十頃以五員計之則百頃矣又如三品官限田元格八十頃今減半為四十頃子孫又減半為二十頃其有子孫多者

欽定四庫全書

卷一 應需雜著

六

通不過二十頃之數其法非不善也殊不知三品之後豈無蔭補三四選人京官仕宦者乎以八品一員計之合得十頃以五員計之則五十頃矣彼為子孫者義居而通以父祖之官立戶則共占限田之數少析居而各以自已之官之立戶則通占限田之數多占數少者不免差役占數多者皆得免差是使士大夫之後皆不得義居也此豈所以厚風俗乎蓋當以此法考之史傳之間惟秦商鞅立法家有兩男而不分異者倍其賦儒者

之所恥言也以堂堂之治世而使士大夫之後析居者免從義居者差役不幾於陰用歟之法乎臣愚欲望聖慈時降睿旨應自今官戶用父祖官品立戶者其限田皆仍舊數至用曾高立戶者依減半法庶幾不至析居以覲避差役此亦朝廷厚風俗之本意也

### 免臨安丁役奏議

臣竊見臨安府車駕駐蹕五十餘年列壁連營建宮賜第卜築之地本皆民產一從分占久免推排其間物力

欽定四庫全書

應劭集

七

合科色役與夫夏秋二稅無可催理者有司失於申請

未曾蠲免錢塘仁和兩縣歲有定額無繇銷豁遂將和

買役錢逐科增添配鄉村貧下人戶謂如紹興二十

一年已前物力及三十四貫四百文方數和買絹一疋

物力及三十貫已上每一貫方數役錢一十九文今求

物力止及一十九貫五百文即數和買絹一疋物力止

十貫已上每一貫即數役錢二十五文其數相去不翅

倍徙夏稅秋苗名數雖存人戶無有鄉司保長遂歲陪

償若不巧取於民何所從出況臨安之民親依日月之光近濡雨露之澤其被恩優渥宜若非他郡比也而產去稅存科配不均之患豈應有之臣愚欲望聖慈特降睿旨行下臨安府將見今應有營寨官府官寺所占地段并撥賜田產合納夏秋二稅并和買物錢數實保明委無溢數欲斷自宸衷盡行除豁所有兩縣後來增添和配鄉村之數並合蠲減庶使畿甸千里咸戴上恩各安其業不勝幸甚

欽定四庫全書

應劭集

八

### 乞免臨安府丁錢

兩浙稅丁之重至有生子不舉長不裹頭者丁謂為相

蘇秀獲免胡則在朝衛安遂蠲天子駐蹕臨安五方之

人萃聚繁衍法當嘉惠而優恤之已降聖旨自淳熙四

年為始權免三年去冬限滿聖意勤隱不忍舉催再下

展年之令德至渥也而九縣之民猶若閔閔然有望於

上者懼日後再有起催之患爾六年蠲免一旦復行誠

亦難矣聖恩寬大國用無闕何惜毫末以慰畿甸之心

是宜斷自宸衷特下明詔將臨安管下諸縣丁錢自今後永與蠲免更不催理將來恢復中原鑒興還京亦使此邦之民子子孫孫感戴上恩無有窮極不勝幸甚

公薦舉奏議

臣竊謂時俗誕謾士心迎合其來久矣以漢宣帝責實之政宜其天下無復懷虛詐之心者而王成偽增戶口至八萬餘乃首蒙勞來之賞以唐太宗英武之資宜其天下無敢獻諛悅之言者而封倫乃謂聖武戡難太宗

欽定四庫全書

卷一 應劭雜考

九

不怒不能正詭隨之罪由是觀之人君端居九重坐制萬方真偽膠擾賢否混淆將使革誕謾為實效變迎合為忠言蓋亦難矣陛下勵精圖治宵旰忘勞寤寐賢才勤恤民隱真堯舜之用心漢唐之君盖不足道過者申明嚴令濬發德音俾薦舉人材必先實跡陳獻利害務在可行誠當今之急務也愚臣不佞竊謂陛下責實以求士而薦舉者未必皆實效虛已以兼聽而奏對者未必皆嘉言辜負陛下求治之意臣不勝憤懣今夫州縣

之官抗塵走俗服役下僚不求聞達而當路大臣其有特達見知奏名於上者幾何人哉莫不引吭聲哀搖尾乞憐短軸長牋恃親挾貴鋪張其履歷夸大其藝能撰造事端妄陳政績庸恥已喪薦舉方行所謂實跡果安在哉獻言之臣憂國愛君不顧得失力辨是非酌古治之本原拂人主之勝心其有一言悟合事功立成者幾何人哉莫不觀時之為窺上所好視其文如布錦摘繡責其效如捕風繫影以至毛舉細故道聽陳言所覲投

欽定四庫全書

卷一 應劭雜考

十一

契上心僥倖身計人材碌碌議論平平宜乎陛下當饋而興歎也臣愚欲望聖慈特降睿旨應今後薦舉之士必先博詢素行精察治功委有材力方合薦揚不得私受啟書自陳實跡稍有虛妄併坐謬舉之罪委獲實材乞加舉賢之賞奏對之臣必先分別是非指摘可否民間之疾苦朝政之闕遺咸得盡言有犯無隱不得窺徇時俗迎合上心其文切中時病乞旌褒嘉之賞如此則責實之令行求言之路廣詐偽少息忠讜備聞共濟事

功以圖恢復臣不勝至願

時務奏議

臣聞立天下之事有大體成天下之功有定謀堂堂朝其體甚大小節不足較也明明廟謨其議一定難說不足進也方今南北之勢士大夫講究都盡不過強弱勇怯之不同爾人皆懷此則心讐氣沮何以成功知有曲直之說以立其大體知有逆順之理以為之定謀則徒強不足勇雖弱不足怯也況今日未知孰弱直常在

欽定四庫全書

應齋雜著

十二

我故我得其體之大曲常在彼故所爭不過小節而止爾我得其順故其謀未嘗不定彼用其逆故其說不過多詐而止耳靖康之禍外示和柔內懷機變因割地以求釁繼遣使而請和逼侵畿城使猶踵至朝廷上下篤信無疑因循敗壞終不省悟是皆溺於和議初無定謀而然爾仰惟陛下即位以來儲精垂思宵衣旰食圖回復十有六年練軍於外而兵將無不精矣理財於下而倉庫無不實矣臣愚無所知識區區之忠猶願陛下

守其大體無較小節以為之釁端執其定謀無用和議而急其戰備以養士氣以待天時一旦天意悔禍士心賈勇電掃朔庭風清舊壤可日月冀狂僭之言惟陛下恕其萬死

劄子

鄂州三劄子

臣聞兵民之政不能無異守將之心要在必同何則兵在軍而將主之所貴乎肅而不擾民居郡而守治之所

欽定四庫全書

應齋雜著

十三

貴乎寬而有制二者之政蓋難必其同也若夫兵民錯居而鬪訟或起守將交際而利害相關儻存好勝之心將有必爭之患如此則軍旅欲肅而不擾郡政欲寬而有制不亦難哉臣愚欲望聖慈特降睿旨凡有戍軍馬州郡下臣此章明使聞知庶幾守將無偏黨之私兵民絕乖爭之患同心合志趨事赴功或有背公徇私惠奸姑息有聞于上必罰無疑將見守將合而無間兵民混為一體何事不立何功不成天下幸甚

臣聞天下之事未嘗無弊救弊之術必存乎人今夫鄂之為郡財賦之源塞而未通兵民之居雜而或擾有勢力者侵漁酒稅之利無忌憚者囊橐盜賊之徒弊至於此可謂甚矣臣自惟人望素輕材力凡下敢不竭盡疲駑少圖微効然非得州縣官僚同心協志安能一力興滯而補弊耶本州現任官屬不少固未能遥度其賢否欲望聖慈特降睿旨許臣到官之後分委辦集其間有忘私徇公興利除害職事修舉庶隅自持之人具名聞

欽定四庫全書

鹿齋雜著

上

奏欲乞特賜旌賞或有避事委靡贖貨貪婪奉法不虔廢職不舉者亦具名聞奏欲乞重加責罰庶幾刑賞兼明人材知勸非獨一郡之幸實國家勸沮之道法當如此干犯天威臣無任云云

臣竊見鄂州一年之間三易守臣前任莫濛曾具奏劄備言財用窘匱拖欠官錢及官吏請給至多蒙陛下矜察於總領所窠名錢內借錢五萬貫應副急關到任未幾忽又致仕繼聞漕臣張拭兼權未曾到任復已改除

見今止係本州官暫時權攝則其窘匱又可知矣臣雖至愚不才當空虛繁難之地安敢避事亦不敢冒昧再干聖聽假借官錢惟慮臣到任之初首蒙諸司催督舊欠非特未有填償而本界按月官錢愈冗不能辦集虛負罪責欲望聖慈特降睿旨許臣自到任日為始逐月先次赴辦見界合發諸色官錢有前政權官拖欠未發及借過錢數容臣半年之後綱紀粗立財賦有餘逐一分數補還不敢違欠庶可少述瘼曠之咎干犯天威臣

欽定四庫全書

鹿齋雜著

上

無任隕越屏營之至

上尚書省劄子

照會本州江夏等七縣方承平日二稅苗米共管六萬六千六百餘石苗折絹三萬三千一百餘疋絹絹布并和買絹絹共九萬四千四百餘疋綿四萬五千八百餘兩大小麥三千六百餘石今來諸縣田土開耕九畝以上其未耕者止是些小高仰瘠薄之地目今每歲秋苗上管七千七百餘石夏稅二麥二千一百餘石除外並

無分文尺寸合納入官之物凡之昔日稅賦十分未及一分本州每年認發上供米九千二百一十六石除管催秋苗米七千七百餘石外自餘米一千五百餘石並係收糶糶數起發詢其所以蓋緣紹興之初土著之民流離穴所五方雜居並緣為姦包占逃絕田產官司既無籍記人戶又無契帖是致無以稽考逐年唯欲措置招集給佃墾闢荒田不暇計其多寡往往大指四至小立畝步一時據憑所陳之數細納稅賦而又前後官司欽定四庫全書

應齋雜著

十五

申明指揮不一務在姑息是致豪強狡猾之人冒占田產以為得計不肯起稅近有通城縣人戶陳祈告獲宋崇一項占田一千四百三十九畝止納一畝五分之稅如此之類不一而足今來若不措置立限人戶自陳則非特失陷稅賦而惠姦之弊何時可革欲望朝廷詳酌特賜指揮行下本州立限半年分明出榜曉諭令人戶將應管田土從實開具的確已耕頃畝土名四至經官自陳所有未曾送納稅賦已前年分一切除放自截日

為始分作十年每年起理一分送納施行更合取自朝廷指揮

### 足兵食劄子

嘗聞之能足食者不斂民善養兵者不蠹國將期藩籬鞏固江淮肅清則兵不可不增萬竈貔貅千里樵爨則食不可不足欲籍游手則無以贍置鄉兵則慮其擾奪俸助軍則無以養廉入粟除罪則何以懲惡然則足食足兵之計將如何而可哉國家調斂於民非不足而實

應齋雜著

十六

欽定四庫全書  
濟于用為甚鮮蓄養之費非不多而服役之人為甚寡東南漕運三百萬則米固多矣而飛輓之人亦云衆矣既以遠近之路而給其費必以上下之流而計其便都下之需莫便於兩湖淮上之戍莫近於江東金陵一帶則江西為上游荆襄兩路則湖外為近壤自上流而下則其至必速由近路而來則其費不多今則不然有自江西而至郢者有自湖南而至淮者或汴流而留滯或遠路而倍費人逃舟棄官費米虧故曰調斂於民非不

足而實濟於用為甚鮮者此也若夫押綱者在部無籍操舟者在法無禁官以五百料為舟米二萬石為綱舟用五十艘夫募三百人米或加多錢亦准此交卸之地得及八分者為全綱往返之舟顧及三人者為足數盜米以為耗賴有折會之法破人以支錢虛存顧募之名一舟用金二十萬一去而不返者有之一夫支直數十千未行而先遁者有之故曰蓄養之費非不足而服役之人為甚寡者此也善為計者因運糧以養兵而無盡國

欽定四庫全書

應齊雜著

十三

之患因養兵以足食且無斂民之憂必也主變通之制擇練達之官路有遠近俾度支擇近以相濟有餘則儲積不足則坐糴如是則無倍費之患矣行有遲速俾轉運計程以相稽運行則無弊滯留則必欠如是則無虧折之患矣使諸郡各以糧米之數水脚之直召募水軍五人為保五保為隊四隊為將保管一舟舟載米五百石將主一綱綱掌兵一百人將為押綱之官兵乃操舟之卒較其靡費則已減顧募之米責其階級不敢萌侵

盜之心閒則教水戰用則運軍食春夏駕已空之舟則裝發於郡秋冬至所卸之地則防虞於邊如將拓疆場空朔庭度江涉淮長驅深入是卒也豈不能保固吾國壯觀江面若夫舍舟即陸亦豈不能負糧荷戈從諸軍之後耶非特押綱無詐冒之官綱船無棄捐之失而民之輸粟盡登于太倉官所養兵皆供乎軍用信能行此則積弊俱銷兵食兼足當自今日始矣

茶寇利害劄子

欽定四庫全書

應齊雜著

十六

湖之南江之西饑贏之民數十輩盜挾弓刀搔擾州縣貽朝廷憂罷帥黜將曠日持久臨以數千之兵尚延旦夕之命其故何哉豈非搏牛之蝱不能以破蠹洞犀之弩不可以得鼠耶官軍食宿有次舍進止有行陣戈矛為之罷甲冑為之衣不令不敢進不鼓不成列乃欲使之馳逐於巖壑險絕之間彼方超陵山谿踐履荆棘身纏軟帛手執短兵巢穴之難窮斥候之莫測倏爾雲合忽焉鳥散詎可以常法應之哉山高林深上蔽天日氣

候蒸暑易生瘴癘禁旅往來將兵雜至不服水土喪亡  
必多彼方依附草木蒙犯霜露素所習服益見精明夫  
復何畏禾山之原東至永新西至茶陵北抵安福萍鄉  
之間南直興國上猶之界亘數百里豪民壯戶實繁有  
徒爰因盜賊之區皆為囊橐之所庶免戕其骨肉又獲  
保其屋廬民賊通情互相交結而官軍之至誅求芻粟  
驅役負戴家至戶到屠犬割雞或因疑似之間以逞殺  
慘之勢驚惶相矚怨嗟愈多由是盜賊蹤由詭秘莫測

欽定四庫全書

原奏卷七

九

官軍動息毫髮必知蠢風之徒自知干犯典憲雖束手  
投戈決無原赦之理苟捐軀畢力可圖頃刻之生況茲  
官軍數相倍徙號令不一險易不同懷顧戀妻子之心  
有歛望搞索之意且謂戰勝不足以為武則賞未必厚  
戰敗乃所以為辱則罪必不輕狐疑其心猶豫其計將  
求遠勝不亦難乎今日之計賴吉象撫四州之地正當  
擇守臣付以兵柄優設賞格召募土豪團結鎗手置立  
山寨每及百人則以副尉捕之及五百人則以承信郎

寵之又能夠賊立功則遞增賞級許以他日依軍功材  
武注射差遣不過置四寨於四隅以塞其咽喉設二寨  
為游兵以殲其耳目伺其動靜以撓之乘其出入以邀  
之使之食不得飽亦無食之可飽寢不得安亦何寢之  
能安又當多出金帛反問其徒黨明示要束許其自新  
其脅從為如此顧何樂哉不旬月間可無噍類矣此萬  
全之道也若夫命將出師踐踐鄉井飛芻輓粟勞苦入  
丁窮其膏髓平其險阻擣其巢穴夷其族類固足以快

欽定四庫全書

原奏卷七

十

一時之意萬一少稽奏捷之期又將何以圖之淮南王  
安曰廝與之卒一不備而歸雖得越王之首臣竊為大  
漢羞之此言政恐為今日設也區區之愚千慮一得無  
階以達于上願執事留意焉

### 船塢網運利害劄子

竊謂營屯碁布文鼎俟炊方州不能飛輓芻粟則必賴  
舟楫以濟不通江西上游木工所萃置立船塢其來久  
矣採松檜截杞梓釘多庾粟油溢漏泉宜其可以任重

致遠悠久無弊而乃半塗而廢一去不返損則沒於驚濤腐則棄於長堤非徒虛蠹國用至於失兵食誤軍期其患豈淺淺哉竊原其弊蓋有說焉歲額三百艘無慮費四十萬兵匠百人監臨四員十羊九牧無所聽從占破之餘所存無幾工程不登船額無限任其鹵莽唯務連成一抹之木合鋸而三則斧而二之此費木以省工其弊一也兵匠既衆熱費必多各務愛家既不敢顯然竊成全之材以柴之唯求其大木斷而小之以供柴薪

欽定四庫全書

應齋雜著

卷一

之用長者短而厚者薄使以乘載蓋有不勝其任者矣圖小利而貽大患其弊二也剝木為舟能浮於江者貴其縝密無漏今合衆木而為之必有罅隙焉固宜裁其邊幅密其機緘使之合而無間則釘雖少而益固灰雖多而無用今乃並沓雙木貫以釘鉤恐其踈折實以油灰用材愈多而船愈不固其弊三也釘用於舟有以多為貴者小人私銕灰之利而欺盜無已又懼其數見於外者可考而知則穴竅納釘止實其半絕其半而再用

之殊不知木深釘斷兩不相及擊觸解散可立而待其弊四也今能省官增匠解鋸不乏則木常有餘斷削之餘可為樵蘇者官為之禁以示於民則匠失其利深密其縫窮盡其釘則何憂乎妄費何畏乎涉川顧是四者特船塢之弊爾船既成網尤有甚於此者造舟以來不知其幾千百艘也科折於民不知其幾百萬餘也兵匠之請受與監官之廩祿又不知其幾何而今日官船之在籍者固無幾矣蓋當考其數乎此無他蓋回運之錢

欽定四庫全書

應齋雜著

卷一

已盡則水夫無以為庸直米糧之數不足則押綱無計而得還水夫逃散官舟棄捐甚可惜也今能逐網差使臣一員以押船名之起綱大帳兵稍請受則付之部米者以回運錢物付之掌船者至下卸之所米有虧折俾部米者留之而自圖船之既空俾主船者押之而徑返如此則綱船之弊去矣愚者千慮或有一得敢觀聽覽之餘詳其可否而力行之豈勝幸甚

上提舉差役劄子